

تورک یوردی

ناشری : تورک یوردی
مدیری : آق چوره اوغلی یوسف

۷۴
④
۱۳۳۱ صای ۱۷ ۲۲ تشرین اول ۱۳۳۱ ییل ۵ جلد ۹ صای ۹۵

اجتماعات

تورک قادینلارک حرب عمومیده کی فعالیتی

باشی ییل ۵ - جلد ۹ - صافی ۳ ده در

قادین جمعیتلرینک افدا کارلرندن بریسی و مستقلاً ابراز فعالیت ایدنلردن

اک مهمی ، « قهول احمر قادینلر شهبه سی » در .

احمد امین بک آلمان قادینلرینک فعالیتندن بحث ایتدیکی صرمدده ۱۶۰۰
آلمان قیزینک جالیشدینی درت « اورکو » جمعیتک بر چوق آی طرفنده آلمان
اوردوسی ایچون ۳۰,۰۰۰ چیفت جوراب و ۳۰,۰۰۰ چیفت آلدیوهن احضار
ایتدکلرینی بیان ایدیوردی . حالبوکه جالیشانلرک عددی بر ایکی یوزدن فضلده
اولیان قادینلر هلال احمر شهبه سی « دارالصناعه » سنده اوج آی طرفنده
۱۳۵,۰۰۰ قات چاشیر احضار ایتمشدر . بوندن ماعدا ، مذکور « دارالصناعه »
سفربرلک ایتداسنده مدافعه مایه جمعیتی ایچون ۶۰,۰۰۰ عدد آوجی یله کلرینی
آز بر زمانده دیکوب ویرمشدی . صوک زمانلرده چناق قلعه حربنده بولنان
آرسلان عسکرلریمزه قارشو مدنیقی سوء استعمال ایدن دشمنلرمزک مخنق غازلر
نشر ایدیجی کوللر صاوورمقده اولدقلرینی ایشیده رک متأثر اولان هلال احمر
قادینلری بونک ده برچاره سنی بولمشلر : اوروپا غزته لرنده اوقویه رق مخنق غازلره
قارشو قوللانمق ایچون آوروپالیلرک بر طاقم آغزلقلر یابدقلرینی اوکرتمشلر
و کندی آرالرنده بونی یایمغه قرارلاشدیره رق درحال هلال احمر مرکز عمومیسنه
بر تقریر ویرمشلردر .

تکمیل مصارفی کنسیدیلرندن اولمق اوزره بو کونه قدر ۴۰,۰۰۰ قدر
آغزلق یایه رق ایلك اوکجه دکیزلیله و سکره قره عساکرینه ده یوللامشلر
وحالا یوللامقده درلر . معلومات آلمق ایچون مذکور مؤسسه یی زیارت ایتدیکم
وقت ، بر ایکی بیوک ماصه نک اطرافنده ۲۰-۳۰ قدر خاتم اقدیلرک سسمنر ،

صداسز ، کمال جدیت و مهارتله عجله عجله آغزاق اعمال ایتدکاری بر قاج
دقیقه درین بر تقدیر و حیرتله تماشا ایتدم . پروغرام داخلده تعیین اولونمش
ایشلری بیلله وقتنده یایوب بیتیرمهجه قدر مشغولیتک چوق اولدینی وهر
کسک یالکز شو معلوم ایشلرینه حصر فکر ایتدیکی بویله بر زمانده آغزلق
اعمالی فکری بولوب اورتیه قویان خانلر ، کچن بالقان حربی زماندهده بویله
بر اختراعده بولونارق ، یوقاروده بحث ایتدیکمز دارالصناعه بی تأسیس
ایتمشردی . صوک عصرلرده ، بر جوق صنایعمر کی انقراضه یوز طوتان
طوقوماجیلق صنعتک احیاسی کی نافع خدمتلرده بولونان بو مؤسسهده بالقان
حربنده عائله سندن آیرلمش بر جوق بیگس و بیچاره لر کندیلرینه بر ملجأ
بولمشلردی . دهها شمیدین اعتباراً ، بو حرب عمومیده بابالری شهید اولان
زوالمی یتیم قیزجغزلرده التجا کاه اولیه باشلامشدر . بو دارالصناعه ، یوم
تأسیسندن بوکونه قدر یک چوق یتیم و فقیر قیزلرک ایش اوکرنملرینه ، سوقاق
حیاتندن قورتیلهرق نسبتاً کوزل بر تربیه آلملرینه و سفالتدن قورتولملرینه
سبب اولمقله قالمایوب بوکون جداً مهم ایشلر کورمکدهدر . مجروح غازیلرمزک
یارملرینی صارمق ایچون لازم اولان « غاز ایدروفیله » مملکتیزده قالماش
وخارجدن کتیریلسیده عادتا امکانشز اولدینی صرملرده ، خانم اقدیلرک
همملری سایه سنده مذکور مؤسسه « غاز ایدروفیله » احضارینه تشبث ایتمش
وموفق اولمشدر . اولاد شهدا و مهاجر جوجقلرندن عبارت بیچاره قیزجغزلره
نهل ایشلری اوکرتمک و دارالصناعه منفعتنه صایلمق اوزره بلوزلر یایمق ایچون
اینجه وظریف بهزلر طوقومقده اولان مذکور دارالصناعه ک بدی - سکر
تزکاهک همان هپسی شیمدی « هلال احمر » جمعیتنه غاز ایدروفیله طوقومقدهدر .

تشکلی یالکز بو محاربه زماننده اولوبده یک بیوک ایشلر کورن تورک
قادین جمعیتلرینک بریسیده « محتاج عسکر عائللرینه معاونت جمعیتی » در . سفر-
برک طولایسیله عائله رئیسلرینی غائب ایدن محتاج معاونت و بیگس بر جوق
عسکر عائللرینک حال پریشانیلرینی نظراعتباره آلهرق تشکل ایتمش اولان بو
جمعیتک اصل مقصدی بو کی عائللره صیچاق جوربا توزیع ایتک و بوسورتله

هر کون بر دفعه بو زوالیلرک حیاتلرینی تازملک اولمشدر . لکن ایشه باشلانقدن سوکره چوربا توزیعنک امکانش اولدینی تبین ایتمکله چوربا یرینه فصولیه ، برنج ، یاغ و سائره کبی شیلر آتارق اولنرک توزیعنه باشلامشدر .

مذکور جمعیت ، پولیس مدیر عمومی و امنیت عمومی مدیریت بک افندیلرک تحت حمایه سنده و حرملری خانم افندیلرک ریاستلرنده در . بو جمعیت ، شمعی به قدر استانبول ، بک اوغلی ، قاضی کوی و بیک شعبه لرنده ۱۸ بیک عائله یی ضرورتدن قورتارمشدر . جمعیتک بو کونه قدر حکومتدن و مدافعه ملیه دن آلدینی و خصوصی صورتده طوبلادینی امانه لردن و ترتیب ایتدیکی مسامره و قونسرلردن حاصل ایتدیکی مبالغلردن متشکل وارداتی ۱۳۰۰،۰۰۰ و صرفیاتی ده ۱۲۰۰،۰۰۰ ایرای عثمانیدن فضله در . یالکزی بک توزیعیه ده اکتفا ایدیلیوب ، محتاج تداوی اولانلرینه علاج ، کسوه سز اولانلره البسه و یریلکده و کیمسه سز اولان عائله لره بو امانه لری ، جمعیت اعضایی اولان محترم خانم افندیلر بالذات نهولرینه قدر کوتوروب و یرمکده درلر . بو مؤسسه بو قدر بویوک ، وقاریشقلغه بک مساعد بر وظیفه یی کمال انتظام و موقیقله اداره ایتمکده در .

*
*
*

بک چوق فداکارقلری ايله بو حرب عمومیده مهم بر موقع طوتان « اسرهرک ملی قادیلر . عینی » دخی سفر بک اعلانندبرو بوتون مساعیسی مدافعه وطن اوغورنده جالیشانلره یاردیمه حصر ایتمشدر . بو جمعیتک در سعادتده ، مثلاً استانبول ، اسکدار ، بکر بکی و امیرکان کبی نقاط مختلفه ده دیکیش ، نقش و نهل ایشلری یوردلری اولوب ، سفر برلکده اردویه ایلک یاردیم اولمق اوزره مذکور یوردلرده اعمال اولونان ۱۵۰۰ چفت یوک چورابه ۱۴۵۰ عدد آوجی یه کلرینی « مدافعه ملیه » جمعیتنه تسلیم ایدیلشدر . سوکره لری استهلاک ملی ، محله لرده عسکر عائله لری آراسنده تحقیقات اجرا ایدرک اولنردن محتاج معاونت اولان کیمسه سزله نقداً یاردیمده بولوش بر خیلی لحوسه قادینلره معاونت ایتدیکی کبی فقر حالدده قالان بر چوق بیچاره عائله لرک نه و کرالرینی تأدیه ایتمشدر .

پیتمه دی

لیب سلیم